



**Arnoldi Corvini â Belderen, Batavi, Jcti quondam
Consummatissimi, Consilarii Electoralis & Professoris
Moguntini Publici, &c. Tractatus Geminus De Personis
Atque Beneficiis Ecclesiasticis Sive ...**

opus posthumum, diu desideratum, nunc demum excusum, & indice
locupletissimo instructum

De personis ecclesiasticis

Corvinus van Beldern, Arnold

Francofurti ad Moenum, 1708

VD18 10184902

De Episcopis. Tit. 2

[urn:nbn:de:hbz:466:1-62002](https://nbn-resolving.org/urn:nbn:de:hbz:466:1-62002)

TITULUS II.

De Episcopis.

SUMMARI A.

- | | |
|---|--|
| 1. <i>Episcoporum nomen quam antiquum.</i> | 12. <i>Quæ Archi-Episcopi potestas in Suffraganeos.</i> |
| 2. <i>An differant à Presbyteris.</i> | 13. <i>Quæ in eorum subditos.</i> |
| 3. <i>Quomodo dicantur.</i> | 14. <i>Quæ circa provincialem Synodum congregandum.</i> |
| 4. <i>Quotuplices.</i> | 15. <i>Archi-Episcopi, an Patriarchæ.</i> |
| 5. <i>An differant quoad ordinem.</i> | 16. <i>Patriarcha quot & qui.</i> |
| 6. <i>Origo Episcoporum differentia quoad dignitatem.</i> | 17. <i>An Pontifex Patriarcha.</i> |
| 7. <i>Illà differentia an positi-
vi an divini juris.</i> | 18. <i>Patriarchatus Constantinopolitanus quando institutus.</i> |
| 8. <i>Metropolitanus quis : & unde dicatur.</i> | 19. <i>De Alexandrino & Antiocheno.</i> |
| 9. <i>Quis Archi-Episcopus, & quæ ejus potestas.</i> | 20. <i>De Hierosolymitano.</i> |
| 10. <i>In quibus conveniat cum Episcopo, & non.</i> | 21. <i>De Patriarcharum privilegiis, & juribus.</i> |
| 11. <i>Quando Archi-Episcopus demum possit obire officium suum.</i> | 22. <i>An non Patriarchæ sunt improprie dicti.</i> |

Episco.

Episcope nomen est antiquissimum. Non tantum in Ecclesia; ut probant D. Augustin. lib. 18. de civit. DEI cap. 19. Baron. annal. Eccles. tom. 1. Anno Christi 58. num. 8. & 9. sed & apud Hebræos; teste Davide; qui Psalm. 108. vers. 8. dicit: *Fiant dies ejus pauci & Episcopatum ejus accipiat alter; Episcopatum*, id est, *presidentiam*, aut *superintendentiam*; juxta illud Nehemias cap. XI. vers. 22. *Hazzi filius Bennanni, Levitarum Episcopus*; vide *Fuentes canon. lect. lib. 2. cap. 17.* & apud JCros Ethnicos; ut ostendit *l. munerum 18. §. Arenarcha 7. ff. de muner. & honor.* Hodiè Christiana religioni est factum proprium.

Differunt à Presbyteris, licet hoc Hæretici hodierni, Calvin. lib. 2. 4. Instit. cap. 4. Chemnit. in exam. Concil. Trident. sess. 23. cap. 4. & can. 6. & cum Arrio, Epiphani. heres. 57. D. August. lib. 6. de heres. cap. 53. negent. ut testatur Scribon. in Thecsm. de ord. cap. 7. qu. 4. aliq. Moventur primò: auctoritate D. Pauli 1. ad Philipp. vers. 15. Ibi, *cum Episcopis & Diaconibus*; quasi nomen *Episcopis* ponatur pro Presbyteris. Fecisset enim aliàs, ut inquit, D. Paulus mentionem de Presbyteris. Accedit, inquit, loqui Apostolum plurali in numero *Episcopis*, at illi plures in civitate una esse non possunt. c. *quoniam*. 14. de Offic. Jud. Ordin. Moventur secundò auctoritate ejusdem D. Pauli ad Titum cap. 1. vers. 4. ibi, *Constituas per civitates Presbyteros, & Oportet enim Episcopum irreprehensibilem esse*; &c. quasi ii quos supra appellavit Presbyteros, iidem sint quos mox appellat Episcopos. Tertio allegant D. Hieronymum in d. cap. 1. epist. ad Titum. relatum in can. olim. 5. dist. 95. in can. legimus. 24. dist. 93. Sed respondemus. Ecclesie initio, licet revera Episcopi à Presbyteris, utpote eorum Judices, Correctores & Rectores, essent distincti; ut patet ex epistolis D. Pauli ad Titum cap. 1. & 1. ad Timoth. 5. (Quod etiam probat Calvinista Saravia tract. de divers. ministror. Evang. gradibus.) nomina tamen fuere communia; ita ut nomine Episcopi comprehenderentur Presbyteri, teste D. Chrysostomo, qui explicans D. Pauli illud ad Philippen. 1. 1. *Omnibus Sanctis in Christo Jesu, qui sunt Philippis, cum Episcopis & Diaconibus*: *Quid hoc?* inquit, *erantne multi unius Civitatis Episcopi? Nequaquam; sed Presbyteros ita vocavit; tum enim temporis, vocabulum*

erat commune Episcoporum. Similiter Presbyteri nomine significabantur olim Episcopi; ut ibidem ait Chrysostomus. Postea & Episcoporum & Presbyterorum multitudine crescente, ut vitaretur confusio, tam eorum nomina, quam gubernandi officia fuere distincta. Nec nos D. Hieronymi moveat auctoritas, *relati in d. c. olim. 5. dist. 95. & c. legimus. dist. 93.* utpote unius Patris. Cujus opinioni potius præferendum Ecclesie Universalis decretum. Secundum quod de fide est tenendum, Episcopos tam in Jurisdictionis, quam Ordinis, potestate, Presbyteris esse superiores. Quippe qui in Apostolorum successerunt locum, non, ut hi, in Discipulorum. *can. in novo 2. dist. 21. can. quorum vices 6. dist. 68.* Undè & hos duos majorum & minorum Sacerdotum gradus ex institutione esse divina distinctos comprobatur & definit Concilium Tridentinum. *sess. 23. de sacram. ord. can. 7. Bellarm. tom. 1. controv. 5. lib. 1. cap. 14. cum seqq.*

3 Episcopi dicuntur quasi speculatores, quod populorum sibi creditorum mores debeant speculari. *c. clericos. vers. Episcopus. dist. 21.*

4 Sunt vel simpliciter Episcopi, & singulis præsent civitatibus cum dioecesi, *c. 1. §. Episcopus. dist. 21.* vel Metropolitanæ, Archi-Episcopi quandoque dicti, & singulis præsent provinciis. Qualis est quæ decem aut undecim habet civitates: *c. 2. scitoze. 6. qu. 3.* vel Archi Episcopi, seu Primates, quibus Metropolitanæ, cæterique ejus provincie Episcopi subjiciuntur. *d. c. 1. dist. 21.* Aliquando dicuntur Patriarchæ. *c. in illis verò civitatibus. 2. per tot. dist. 80.*

5 Docet Isidorus *lib. 7. Etymolog. cap. 12. relatus in d. c. clericos. dist. 21.* istum quadripartitum Episcopalem ordinem esse, sed tantum quantum ad gradum Episcopalem & Jurisdictionem, non verò quoad ipsum ordinem. Quia ordo Episcopalis, quoad potestatem spiritualem, ac Pontificiam dignitatem est tantum unus. *ut tradit Papa Anastasius. epist. 9. cap. 3. vers. Episcopi verò. & in c. 1. dist. 99. & in can. Novatianus. 7. qu. 1. Euch. in Instit. Jur. Can. Major. lib. 2. tit. 6. in princ. & tit. 7. ante num. 1. Barbosa lib. 1. de Jure Eccles. cap. 6. num. 4.*

6 Quadripartitum ordinem illum, quidam, ut Boërius de auctor. magni Concilii num. 54. in fin. Petr. Gregor. syntagm. jur. univ. lib. 15. cap. 11. num. 1. aliis, descendisse volunt à D. Petro; moti auctoritate Clemens-

Clementis Papæ, ipsius Petri discipuli ac Successoris, Qui *epist. 1. ad D. Jacobum relatus in can. in illis. dist. 80.* dicit D. Petrum illis in Civitatibus, in quibus olim apud Ethnicos erant Primifamines, ac primi Legis Doctores, Episcoporum Primates, vel Patriarchas constituisse, qui Episcoporum aliorum causas, & majora fidei tractarent negotia. Ubi verò eorum erant Archifamines positi, qui prioribus nihilominus habebantur inferiores, præcepisse institui Archi-Episcopos; in singulis reliquis Civitatibus singulos, & non plures ordinasse Episcopos. Quod confirmant Papæ, Lucius *can. 1. d. dist.* & Anacletus *can. 1. dist. 99.*

Alii ordinem illum ad coelestis Hierarchiæ, (in qua sunt Angeli, Throni, Principatus) similitudinem volunt fuisse constitutum: ut *Rusa. in tract. de præminent. Episc. dignit. in princ. à prefat. Pighius de Eccles. Hierarch. lib. 3. cap. 1.* & auctoritates allegatas contra elidunt, & dicunt, D. Petrum hoc tantum ordinasse ad Idolorum abolendam memoriam. *Barbosa lib. 1. Jur. Eccles. cap. 6. num. 6.*

Ordo itaque ille Ecclesiasticus quadrupartitus erit quoad Episcopatum, (qui unus,) *Juris Divini*, quoad potestatem Jurisdictionis seu regiminis, per quam distinguitur, *Juris Humani. ex Sylvestro Turrecrem. Bursar. consil. 125. num. 45. vol. 1.* Nec turbent nos auctoritates, quibus probari videtur Dignitates hujus Ordinis ad Juris Divini esse referendas institutionem; Loquuntur enim de Lege Divina latissime sumpta. *Bursar. d. loco.*

Metropolitani Episcopi, secund. *Isidor. lib. 7. Etymol. cap. 12. relat. in d. c. clericos. vers. Metropolitanus dist. 21.* à mensura dicti sunt Civitatum; quia decem aut undecim civitates & Episcopos totidem solent comprehendere sub se. *can. 2. scitote 6. qu. 3. Rebuff. in concord. tit. de Collation. §. 1. vers. Metropolitana.* Non rectè. Appellatur enim Metropolitanus à Metropoli; id est, Civitate matricæ; seu Civitatum matre, & capite provinciæ, ubi Metropolitanus habet sedem. *Covarr. pract. resolut. cap. 18. num. 2. Forcat. dialog. 61. num. 4.*

Archi-Episcopus dicitur quasi Episcoporum Princeps, quia præest omnibus provinciæ suæ Episcopis: secund. *Isidor. lib. 6. cap. relat. in d. can. clericos. vers. Archi-Episcopus.* Cum Metropolitanus est idem, ut Ordo innuit Romanus, *tit. qualiter Episcopus in Romana Ecclesia ordinetur.*

netur. Bartol. in c. un. de constit. in 6. Petr. Gregor. d. lib. 15. cap. 11. probatur per c. pastoralis. in princ. de offic. Ordin. Extravag. Salvator. de prae-bend. & text. in c. referente. de prae-bend. ibi ad Metropolitanum, videlicet Remensem Archi-Episcopum. Cui non aduersatur, quod Imp. Justinianus in Novel. 11. videatur sentire contrarium, cum dicit; Non solum Metropolitanus, sed etiam Archi-Episcopus fiat. Est enim decilio Canonici Juris preferenda. ex not. in c. 1. de novi oper. nunciat. Potestque etiam fieri ut Archi-Episcopus aliquis non sit Metropolitanus, puta si Suffraganeum habeat nullum.

Sumit etiam Isidorus in d. can. clericos. Archi-Episcopi nomen pro Patriarcha seu Primate; Metropolitanum verò pro Archi-Episcopo.

10. Archi-Episcopis subjiuntur ejus Provinciae Episcopi; d. c. 12. dist. 21. Quamvis respectu Ordinis & in substantia; id est, respectu characteris, Episcopus tantum habeat, quam Archi-Episcopus.

Est enim ordo Episcopalis, quoad potestatem spiritualem ac dignitatem Pontificiam tantum unus; ut & supra diximus; respectu tamen executionis & negotii, sollicitudinem habet majorem Archi-Episcopus. Zabarell. in Clement. Archi-Episcopo. num. 7. de privileg. honoreque ceteros praecellit Episcopos; Gemin. in c. per singulas. 1. & 2. caus. 9. qu. 3. & est persona magis privilegiata; can. 6. servatis. can. 5. igitur. 25. qu. 2. majorisque auctoritatis, & circa suos subditos, in sua tantum diacefi; & circa Episcopos Suffraganeos, & circa Horum subditos; & in Provinciali Episcopali Synodo, Suffraganei Sede vacante.

Circa suos subditos; quod praeter alia quae cum Episcopis habet communia; de quibus infra; discrepet ab illis primò quoad Consecrationem; Consecratur enim adhibito Primatis consensu, à tribus Episcopis Suffraganeis, omnibus aliis provinciae vel praesentibus, vel si praesentes esse non possint, per literas consentientibus; can. quia per. 6. dist. 64. aliter verò Episcopus, ut dicemus infratit. de consecrat. Deinde 11. quoad munus exercitium. Nec enim, licet sit consecratus, & acceperit possessionem, exercere potest illud, antequam acceperit pallium. c. nisi specialis. de auct. & usu pallii. vide inf. de recept. & usu pallii. Sebast. Casar.

Casar. de relect. de Ecclef. Hierarchia. part. 1. disp. 5. §. 2. num. 4. Machin. de ordin. tract. 4. cap. 9. num. 6.

Quoad Suffraganos; Primo; In eos electos confirmando: *c. 1. 12. dist. 64. c. innotuit. c. cum dilectus. de elect. c. inter corporalia. de translat. Episcop. c. qua fronte de appellat. Secundo; In eos, vel per se, vel per alium consecrando: *can. qui in aliquo. dist. 51. & tot. dist. 64. & 65. c. suffraganeis. de elect. c. si Archi-Episcopus. de tempor. ordinand. Tertio; Ad consecrationem unius reliquos vocando; qui accedere tenentur: *can. non debet. cum seq. dist. 65. d. c. si Archi-Episcopus. Quarto; Ea que servantur in Metropolitana, ut servari curent injungendo: *c. dilectus. 30. de simonia. Quinto; Eos singulis saltem trienniis, ad Provincialem saltem Synodum convocando: *Concil. Trident. sess. 24. de reformat. cap. 2. in qua Ipse presidet: *c. placuit. dist. 18. & Gloss. verb. exceptis. in c. Pastoralis. de offic. Ordinar. Sexto; In, ut apud Ecclesias resident suas, curando; & super Eorum absentiam inquirendo: *Concil. Trident. 23. de reform. cap. 1. Septimo; In Eos, ut Justitiam ministrent Subditis, & munus obeant rite, compellendo: *c. conquestus. 8. & ibi. Gloss. verb. provocaverit. 9. qu. 3. & Gloss. in sum. d. qu. 3. Abb. in c. si quis contra Clericum. num. 40. de foro comper. vide c. sicut. 25. de accusation. c. in nova. 16. q. 7. c. cum scimus. 9. qu. 3. Concil. Trident. sess. 23. de reformat. cap. 18. Octavo; In Eos suspendendo, interdicens, & excommunicando: *c. 1. §. fin. de offic. Ordin. in 6. c. venerabilis. & ibi Abb. de sent. excommun. Nono; In Eorum circa munus negligentiam supplendo: *c. cum simus. 9. qu. 3. cap. 1. §. notoria. de censib. in 6. vide Barbof. de Jure Ecclesiast. lib. 1. cap. 7. num. 32. cum seqq. Decimo; In Eorum, civiliter, vel criminaliter conventorum, causas cognoscendo. *c. 6. quia cognovimus. 10. qu. 3. c. pastoralis. in princ. ubi Abbas. num. 2. de offic. Ordin. c. sollicitudinem § 6. de appellat. Vide tamen Concil. Trident. sess. 13. de reformat. cap. 6. & 7. & sess. 24. de reformat. cap. 5. Undecimo; In appellationes à sententiis Eorum recipiendo: *c. 2. ubi Gloss. de consuet. in 6. c. ut litigantes. §. de offic. Ordin. in 6. c. Romana. 3. de appellat. in 6. c. Romana. §. de sentent. Excommun. in 6. Duodecimo; In Eorum diocesibus visitando: *De quo infra tit. 28.*************

Circa Suffraganorum subditos auctoritatem tantum & potestatem

tem habet Archi-Episcopus, in casibus in jure expressis: *c. 1. de supplend. negl. Pralator. c. pastoralis. in princ. de offic. Ord. c. Romana. c. venerabilis. de sent. excomm. in 6. Scaccia de appellat. qu. 8. num. 98.*

Illi sunt quatuordecim: I. De appellationum cognoscit causis: *d. c. pastoralis. c. duo simul. de offic. Ord. c. 1. eod. in 6. can. conquestus. 9. qu. 3. c. 1. de foro compet. in 6. d. c. Romana. Covarruv. pract. resolut. cap. 9. num. 2.* Causis non tantum spiritualibus, sed & temporalibus: *Scaccia d. c. qu. 8. ex num. 90. vide Barbof. d. lib. & cap. num. 54. cum seqq.* Excepta fidei causâ. Cujus cognitio deferretur Papæ. *Scacc. d. loc. num. 88.* II. Cognoscit de causis totam Provinciam concernentibus; ut de tollenda consuetudine prava: *c. ad extirpandas. c. fin. de filiis Presbyter. c. ex frequentibus. de instit. Abb. in c. pastoralis. in princ. de offic. Ord. ubi Felin. num. 7.* III. Cognoscit de Injuriis à Suffraganeorum subditis, Ipsi vel Nunciis, vel familiæ suæ, dum exequitur Jurisdictionem suam, illaris: *c. 1. de penis in 6.* IV. De Excessibus Canonicorum, injuste, contra suum Episcopum à Divinis constantibus: *c. irrefragabili. §. ceterum. de offic. Ordin.* V. Punit crimina notoria: *c. 1. §. sane. vers. notoria. de censib. in 6. Abb. in c. ex frequentibus. num. 10. de institut.* VI. Corrigit Suffraganeorum subditos in divinis officiis Ecclesiæ Metropolitanæ ritum non sequentes: *c. de iis. dist. 12. can. quicumq. 26. qu. 5.* VII. Mittit Eleemosynarum Quæstores pro Ecclesiæ Metropolitanæ fabrica, *c. 1. de penit. & immissio. aliove pio opere: Franc. ad d. cap. 1. Imol. in Clem. abusonibus. num. 28. & Zabarell. num. 9. d. iij.* VIII. Mittit in casibus ad Jurisdictionem suam pertinentibus, per Provinciam totam Edicta: *Franc. ad c. 2. de supplend. negl. Pralat. in 6.* IX. Concedit indulgentias, licet non sit in visitationis actu; modo statutum Concilii generalis non excedat: *c. nostro. de penit. & remiss. Bonacin. de sacram. disp. 6. de indulgent. qu. 1. puncto. 3. num. 2.* X. Interdicit prædicationis officio: *c. tuarum. de probat.* XI. Mittit in exilium delinquentes. *c. 2. de arbitr. d. c. tuarum.* XII. Punit Suffraganei subditam, in Provincia sua delinquentem; contrahentem, aut ibi bona, possidentem judicat: *c. 1. & per tot. 3. qu. 6. c. placuit. 6. qu. 3.* XIII. Eum injuste excommunicatum, nec absolutionem obtinere valentem, absolvit receptâ cautione juratoriâ; *c. ad reprimendum. de offic. Ordin.*

Ordin. c. qua fronte. de appellat. aut declarat excommunicatum injustè. c. sollicitudinem. de appellat. c. per tua. de sent. Excommun. in 6. c. venerabilem. eod. in 6. ubi Gloss. & Dd. XIV. Visitans Provinciam suam (Quod ex Tridentini Concilii dispositione, non facit, nisi causa cognita & in provinciali Concilio approbata: Sess. 24. de reformat. cap. 3.) exigit à Suffraganeorum subditis procuracionem; c. cum Apostolus. ubi Gloss. verb. Archi-Episcopi. c. sopita. c. super eo. de censib. in 6. c. cum ex officii. de prescript. c. 1. & fin. de censib. in 6. eorum audit confessiones, absolvit eos etiam in casibus Episcopo reservatis; d. c. 1. & fin. Pavin. de visit. par. 2. qu. 4.

Circa Synodum Provinciale celebrandam habet auctoritatem 14
 Archi-Episcopus, 1. Episcopos Suffraganeos ad illud convocat: ut dictum: 2. De causis inter illos & Clericos, tam criminalibus, quam civilibus cognoscit. can. 46. § Clericus. 11. qu. 1. can. 1. caus. 6. qu. 2. 3. Abusus difficilis, quæstionesque graves circa imagines, reliquias, miracula similesque ortas, una cum Synodo salvâ Sedis Apostolicæ auctoritate dijudicat: Concil. Trident. sess. 25. de invocat. & venerat. Sanct. in fin. 4. De Suffraganeorum suorum absentia licentia statuit: Concil. Trident. sess. 23. de reformat. cap. 1. aliaque plurima, ex dicto Concilii decreto cum Suffraganeorum iudicio facit: qua vide d. Concil. sess. 24. de reformat. cap. 3. in fin. & sess. 23. de reformat. cap. ult. in fin. & sess. 24. de reformat. cap. 1. & 13. sess. 25. cap. 11. vide Barbof. d. lib. 1. cap. 37. cum seq. 5. Suffraganei Sede vacante, licet ad Canonicorum pertineat capitulum, ejus administratio; can. 48. non liceat alicui. 12. qu. 2. c. 1. & pen. & ult. de supplend. neglig. Pralat. in 6. casibus tamen duobus curam ejus gerere debet Metropolitanus; Puta; Si Ea non habeat ministros idoneos, d. c. an. non liceat alicui. Pavin. de offic. & potest. Capit. Sede vacante. part. 1. qu. 10. sum. num. 5. 2. Si habeat, sed negligentes. c. ult. de supplend. neglig. Pralat. Vide Concil. Trident. sess. 24. de reformat. cap. 16.

Præter antedicta habent Archi-Episcopi, supra Episcopos insignia quædam specialia; puta Pallium; de quo infra. aliaque.

Archi-Episcopi seu Primates, aliquando ut diximus, Patriarchæ I 5 dicuntur; sed vocabulo latè sumpto; fac. c. 1. & 2. dist. 99. c. duo simul.

E

mul.

msl. de offic. ordin. Flam. Paris. de resign. benef. lib. 2. qu. 1. num. 46. Non strictè. Nec enim omnes *Primares* verè sunt *Patriarche* nec eadem habent officium, auctoritatemque eandem.

16 *Patriarche* hodiè propriè sunt quatuor *Episcopi*, primum post *Summum Pontificem* obtinentes locum: hoc videlicet ordine, *Constantinopolitanus, Alexandrinus, Antiochenus, Hierosolymitanus.* cap. antiqua. 23. de privileg. & dist. 22. in summ. ubi Gloss. & per tot.

17 Inter *Patriarchas* à nonnullis & *summus Pontifex* primo loco poni solet; sed hoc non sitratione loci aliorum *Patriarcharum*, sed majoritatis vereque supremæ potestatis. *Turrian. in schol. ad can. 13. Concil. Nicen. Bellarm. in controvers. Catholic. tom. 1. contr. 3. lib. 2. cap. 18. vers. argumentum tertium. & vers. seq.* Nec advertatur *can. 6. renovantes. dist. 22.* Nam ibi similia quidem privilegia *Constantinopolitano Episcopo* dantur post *Romanum*, ad effectum, ut ad ipsum detur appellatio, aliaque habeat *Patriarchalis Ecclesiæ* privilegia; de quib. vide *c. antiqua. vers. servata. de privileg.* sed *Romana* semper manet superior. *Bellarmin. lib. 1. Concil. cap. 24.*

18 *Patriarchatus Ecclesiæ Constantinopolitane* temporibus primis non fuit in rerum natura: Imò nequidem tempore *Constantinopolitane Synodi primæ*, ut putat *Raymond. Ruff. in Molineum. pro Pontif. Max. sub num. 8. pag. 62. in vers. præterea. & sub num. 19. pag. 161. vers. cum quatuor. motus auctoritate, can. Constantinopolitana. 3. dist. 22. ex eadem Synodo cap. 5. desumpti; sed malè.* Cum dictus canon fuerit suppositus & falsus, ut ostendit *Melchior Can. de locis Theolog. lib. 5. cap. fin. vers. unum sextum. argument. & lib. 6. cap. 8. in respons. ad undecim. vers. huic loco.* Postea, Imperii Sede *Constantinopolim* translata, *Ejus Ecclesiæ* primum post *Romanam* locum occupare coepit: Quod confirmatum in *Synodo sexta; can. renovantes 6. dist. 22. & ab Imperatore Justiniano; in Novel. 131. cap. 2. sed Romanæ Ecclesiæ usui; ante Innocent. III. in Lateranensi Concilio, de quo in c. antiqua. de privileg. receptum. not. ad d. can. Constantinopolitana.*

19 *Alexandrina Ecclesiæ*, olim immediatè sequebatur *Romanæ*, præcedebatque *Antiochenam*, licet hæc, (ut & *Romana*) ab Ipso *B. Petro, c. per venerabilem. vers. sane. qui filii sint legit.* illa tantum *Ejus* nomi-

nomine ab Ejus Discipulo Evangelista Marco fuerit instituta: *can. sacrosancta Romana. dist. 22.* Quia suberat Praefectura Alexandrina; ut quae Augustalis, & sex Aegypti provinciis jus dicebat, *l. 1. ff. de offic. Praefect. August.* nec non Praefectura Syriae superior erat. *Bacon. tom. 1. annal. anno 39. num. 10.*

Hierosolymitana Ecclesia, in qua primus Episcopus fuit D. Jacobus, frater Domini, & post eum D. Simon, frater quoque Domini; in honore erat quidem summo; sed suberat Metropolitana Caesariensis; postea tamen in Synodo Nicena, *can. 7.* Patriarchalis, loco quarto, fuit facta: sed non nisi honorem, qui ei ex antiquo usu solbat deferri, juribus & Metropolitanis (qui erat Caesariensis, *S. Hieronym. in epist. ad Panmach. contra Joan. Episcop. Hierosolym.*) subiectione salvis, accepit.

Solebat enim Ecclesia illa omnium Ecclesiarum appellari mater; *vide Epistol. Synod. Concil. Constantiens. Oecum. ad Damasum apud Theodoret. lib. 5. cap. 9.*

Unde Episcopus ejus inter Apostolicarum Ecclesiarum Antistites sedere, & in literis sic nominari meruit antiquitus. Quod postea in 8. Synodo Generali, *c. fin. dist. 22.* declaratum, ac demum ab Innocentio III. confirmatum; seu potius in Concilio Lateranensi innovatum. *de quo in d. c. antiqua.*

Dictorum quatuor Patriarcharum auctoritas, ceteris omnibus Praelatis, non dignitate solum, verum etiam potestate & Jurisdictione est major: *fac. d. c. antiqua. & c. exigiti. & c. felicit. de censib. in 6.*

Quippe ad eos causae & negotia majora Episcoporum & Archiepiscoporum post Apostolicam Sedem (Ejus tamen auctoritate in omnibus salva) referuntur: *c. 1. dist. 80.* Et quia in Episcoporum ordine sunt primi, *can. 1. in princ. dist. 22. c. grave nimis. in fin. de praebend. multis gaudent privilegiis.*

Quorum est primum: Immediatè post Papam & incedunt & sedent: *Abb. in d. c. antiqua. num. 6. Praepos. in can. definitus. dist. 22.* Quod tamen non observatur hodie. *Barbosa de Jure Eccles. lib. 1. cap. 6. num. 25. Secundum;* Metropolitanos & Forum Suffraganeos ex causa deponunt: *can. nos antiquus. 6. cum Gloss. dist. 65. can. quod suspecti. 3. qu. 5. Gloss. 1. in can. renouantes. dist. 22.* Quod Concilium Tridenti-

dentinum soli concessit Papæ. *sess. 13. de reformat. cap. 8. & sess. 24. de reformat. cap. 5.* Tertium: Uti possunt & insigniis & ornamentis Papæ: *Abb. Panorm. Hostiens. & alii ad d. c. antiqua.* Quartum; Aequiparantur Principibus Superiorem non habentibus: *Barbosa. d. lib. & cap. 6. num. 29.* Quintum; Extra Romam aut Pontificis præsentiam, Legative Ejus, dignitatis Apostolicæ utentis insignibus, præfertur lictata crux, & utuntur pallio: *d. c. antiqua. Petr. Gregor. Syntagm. jur. univers. lib. 15. cap. 3. num. 6.* Sextum. Pallium, sicut à Pontifice acceptum, ne obftet. *c. nisi. 3. de auctor. & usu pallii. c. novit. 3. dist. 100.* Archi-Episcopi tradunt Suffraganeis suis: *d. c. antiqua. Abb. in rubr. de auctor. & usu pallii. num. 2.* Septimum; Jurisdictionem ordinariam super omnes Episcopos & Metropolitanos totius habent Provinciæ suæ: *d. c. antiqua. Barbosa. d. lib. & cap. num. 36.* Octavum; In Provinciis Jurisdictioni Ipsorum subjectis, etiam mediis omiſſis, appellatur ad eos, salvis tamen appellationibus ad Sedem Apostolicam directis: *d. c. antiqua. & ibi Abb. post Innoc. & Hostiens. Maran. de ord. judic. p. 6. cap. de appellat. num. 351. Petr. Gregor. d. Syntagm. lib. 15. cap. 9. n. 6.*

22. Præter dictos quatuor maximos Patriarchas: sunt & alii, vel ex Romani Pontificis indulgentia, vel consuetudine inveterata, *Minores;* *Gloss. verb. Archi-Episcopus. in can. clericos. dist. 21. Specul. rit. de dispensat. §. sunt quoq. num. 2. Sebast. Caesar. de Eccles. Hierarch. pars. 1. disp. 4. §. 3. in fin.* Sed ubicunque Patriarcharum fit definitè loquendo mentio; quatuor Illi veri Patriarchæ veniunt solummodò. *Barbos. d. lib. & cap. num. 50.*

Episcopi omnes, simplices, Archi-Episcopi, Primate, Patriarchæ; eum, ut supra diximus, sint in eodem Ordine; & non debeat, cui plus licet, quod minus est, non licere; c. cui licet, de reg. jur. in 6. l. non debet. 21. ff. eod. habent ligandi solvendique potestatem: sed de ea infra rit. de offic. & potest. Episcop. & visitandi diligentiam, solum in Ecclesia conficiunt Sacrum chrisma, DEI altaria consecrant, & Ecclesias reputant pollutas, ordinant Clericos, suspendunt, deponunt; excommunicant delinquentes; indicunt purgationes, dispensant, pœnitentias imponunt solemnes. c. 1. vers. ad Episcopum. dist. 25. c. quamvis. 4. dist. 68. & caus. 26. qu. 6. per tot.